



20 Viaduct Harbour Avenue, Auckland 1010
Private Bag 92250, Auckland 1142, New Zealand
+64 9 355 3553 | at.govt.nz

E whakaritea ana kia rere ētahi mahi nui ki ngā ara tereina, kia whakamātauria hoki te wātaka o City Rail Link hei te mutunga wiki o Matariki – te 9 ki te 12 o Hūrae, 2026

Ka kati te whatunga tereina o Tāmaki Makaurau hei te mutunga wiki o Matariki, tae atu hoki ki te rā o mua, arā, i a Tāite te 9 o Hūrae ki a Hanarei te 12 o Hūrae, kia whakatuwheratia ai a City Rail Link me ngā whakawhitinga tereina e haumaruru ake ana i te wā i whakaritea ai.

Kua tata oti a City Rail Link. Hei a Tāite te 9 o Hūrae ka katia te whatunga o ngā tereina pāhihi o Tāmaki Makaurau e whakahaeretia ai tētahi whakamātautau i te rārangi wā whakamutunga mō City Rail Link, mā te whakamahi i te rārangi wā o ngā rā mahi (Mane ki a Paraire) ka whakatinanahia ā te wā ka whakatuwheratia a City Rail Link. Mā tēnei, ka whai wā ngā kaiwhakaterere tereina, ngā kaiwhakahaere me ngā kaihautū ki te whakaharatau, kia waia hoki ki te whakahaere i te whatunga hou.

Ā muri i taua whakamātautau, ka noho kati tonu te whatunga tereina mō te mutunga wiki o Matariki e tautokona ai ngā mahi whakapai ake i ngā hanganga e pā ana ki te tereina me ngā mahi tiaki i ngā ara tereina. Kei roto i ēnei mahi ko te haere tonu o te hanga i ngā arawhiti hīkoi hou ki ngā teihana o Takaanini, o Te Māhia me Glen Innes, me te hanganga tonutanga o ngā teihana tereina hou i Drury, i Ngākōroa me Paerātā.

Ka tere ngā pahi whakakapi tereina puta noa i te whatunga i te wā e kati ana ngā tereina. Ka auau te tere o ngā pahi e tū ana ki ia tūnga i ngā kauhanga o Te Tonga, o Te Rāwhiti, o Te Uru, o Onehunga me Meadowbank.

Hei a Rāpare te 9 o Hūrae, ka tere ngā pahi whakakapi tereina i ngā ara o Te Tonga, o Te Rāwhiti me Te Uru i ia 10 meneti i ngā wā toritori, i ia 20 meneti i te awatea, ā, i ia 30 meneti i te ahiahi. Ka tere te pahi whakakapi tereina i Te Ara o Onehunga i ia 30 meneti i te roanga o te awatea me te pō.



Atu i a Paraire te 10 o Hūrae ki a Hanarei te 12 o Hūrae, ka tere ngā pahi whakakapi tereina i raro i te rārangi wā mō ngā hararei tūmatanui me ngā mutunga wiki. I ngā ara o Te Tonga, o Te Rāwhiti me Te Uru, ka tere ngā pahi i ia 20 meneti i te awatea, ā, i ia 30 meneti i te pō. Ka tere te pahi whakakapi tereina i Te Ara o Onehunga i ia 30 meneti i te roanga o te awatea me te pō.

Ka hoki anō ngā ratonga tereina ki ngā whakahaere māori hei a Mane te 13 o Hūrae.

He aha ngā āhuatanga ka puta i te whakamātautautanga o te rārangi wā mō City Rail Link?

Mā te whakamātautautanga o te rārangi wā hei te 9 o Hūrae ka whai wā ngā kaiwhakaterere tereina, ngā kaiwhakahaere me ngā kaihautū – arā, te hunga e whakahaere ana i te whatunga – kia taunga ake ai rātou ki te whatunga tereina hou.

Kia tuwhera a City Rail Link, ka tino rerekē te āhua o te whatunga tereina o Tāmaki Makaurau. Ka whakaurua he rārangi wā hou me ngā ara tereina hou e toru – Te Rāwhiti me Te Uru, South City me Onehunga West – me ngā teihana hou e toru ki te tāone e auau ake ai ngā terenga, e pai ake ai hoki ngā hononga whakawhiti puta noa i te rohe.

Te haumarutanga i te wā o te whakamātautautanga o te rārangi wā mō City Rail Link

Ahakoā kāore ngā tereina pāhihi e tere ana, ko ngā tereina ka tere tonu puta noa i te whatunga, i ngā whakawhitinga hoki mō ngā waka me ngā wae hīkoi.

E haumarū ai koe, me tū tonu ki te tiroiro mō te tūpono tere o te tereina i mua i tō whakawhiti i ngā ara tereina. Kia mataara, kia haumarū.